



Láibi ja guolit

Jesus vulggii oktii nuppi beallái Galilea-jávrrí, ja oallugat čuvvo su. Sii hálidedje gullat Jesusa sárdnume. Sii ledje oaidnán ahte Jesus máhtii dearvvašmahttit buhcciid. Jesus goarkui várrái máhttájeddjiidguin. Dohko čoahkkanedje ollu olbmot.

Jesus jearai: «Gos mii sáhttit oastit láibbi buohkaide?»

Oastit láibbi nu mángasii! Dat han lea veadjemeahttun!

Ii guvttiinčudiin denariin ge fidne láibbi dan made, ahte juohkehažžii livččii bihtáš ge.

Dalle Ándaras dajai: «Dáppe lea bárdni, geas leat vihtta bivge-láibbi ja guokte guoli. Muhto gallásii das juoksá?»



Eai bártni láibbit ja guolit gal leat doarvái nu mángga nelgon olbmui! Muhto Jesus gohčui sin čohkkedit rássegieddái. De son válddii láibbi, giittii Ipmila ja jugii dan. Juohkehaš oaččui nu ollu láibbi ja guoli go hálidii. Buohkat boradedje gallás.

De Jesus gohčui máhttájeddjiid čohkket buot mii bázii borakeahtta: «Čohkkejehket buot báhcán bihtáid, vai ii mihkke mana hohkkái.»

Máhttájeaddjit dahke nu. Buot láibi mii lei báhcán vurkejuvvui. Dain čoggui guoktenuppelot veaddelihti made.

Olbmot ipmirdišgohte gii Jesus lei. Son lei Messias, gean Ipmil lei lohpidan vuolgahit. Sii hálidedje su gonagassan.

Muhto Jesus hálidii leat okto. Son goarkui bajás várrái.

